

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-860/25
Sarajevo, 22.4.2025. godine

Z A P I S N I K
18. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 22.4.2025. godine

Sjednica je počela sa radom u 12 sati i 30 minuta.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegatkinje i delegate, potpredsjednika Federacije Bosne i Hercegovine Refika Lendu i ministre u Vladi Federacije Bosne i Hercegovine koji prate rad sjednice.

Izostanak sa sjednice najavili su Ilija Ilić i Dragana Damjanović.

Prema evidenciji Stručne službe, sjednici prisustvuju 62 delegata, što čini većinu, pa Dom naroda može raditi i punovažno odlučivati.

Predsjedavajući je predložio da se prije prelaska na rad glasa o usvajanju zapisnika 15. i 17. sjednice Doma naroda Parlamenta Federacije Bosne i Hercegovine.

Na osnovu rezultata glasanja, predsjedavajući je konstatovao da je Dom naroda, sa 62 glasa za, uz četiri uzdržana glasa i bez glasova protiv, usvojio Zapisnik 15. sjednice Doma naroda Parlamenta Federacije Bosne i Hercegovine.

Na osnovu rezultata glasanja, predsjedavajući je konstatovao da je Dom naroda, sa 60 glasova za, uz jedan uzdržani glas i bez glasova protiv, usvojio Zapisnik 17. sjednice Doma naroda Parlamenta Federacije Bosne i Hercegovine.

Predsjedavajući je prije utvrđivanja dnevnog reda saopštio delegatima da, na osnovu člana 104. Poslovnika o radu Doma naroda, mogu postavljati delegatska pitanja i pokretati inicijative.

Amir Orlović uputio je inicijativu Federalnom ministarstvu finansija u vezi sa izmjenom člana 8. zakona koji definira fiskalne procjene.

Fatima Gavrankapetanović-Smailbegović podnijela je dvije inicijative.

Prvu inicijativu je uputila Federalnom ministarstvu zdravstva u vezi sa donošenjem zakona o rijetkim bolestima.

Drugu inicijativu je uputila Vladi Federacije Bosne i Hercegovine vezanu uz pokretanje izmjene Zakona o izvršavanju budžeta Federacije Bosne i Hercegovine da u tački 9) Izvršenje budžeta po prioritetima, zdravstvo bude među prva četiri prioriteta.

Aida Obuća postavila je tri pitanja Federalnom ministarstvu trgovine.

Prvo pitanje je vezano uz obraćanje općinskih, odnosno gradskih vijeća Federalnom ministarstvu trgovine sa prijedlogom za izuzimanje od primjene Zakona o unutrašnjoj trgovini.

Drugo pitanje je u vezi sa Gradom Orašje i izuzimanjem od primjene Zakona o unutrašnjoj trgovini, odnosno neradnoj nedjelji.

Treće pitanje je vezano uz analizu efekta uvođenja neradne nedjelje, s obzirom na podatke o negativnom efektu, a koje su iznijeli gradovi Travnik, Tešanj, Stari Grad, Jablanica i drugi.

Jelena Pekić postavila je pitanje Adnanu Deliću, ministru Federalnog ministarstva rada i socijalne politike, vezano uz proceduru sufinansiranja razlike doprinosa za nevladine i humanitarne organizacije.

Sandra Imširović postavila je dva pitanja Vladi Federacije Bosne i Hercegovine.

Budući da nije zadovoljna odgovorom na pitanje koje je postavila Federalnom ministarstvu pravde 31.1.2025. godine, zahtijeva novi odgovor.

Prvo pitanje je postavila u vezi sa konkretnim projektima, institucijama ili budžetskim stavkama finansiranih iz unutrašnjeg zaduženja Federacije Bosne i Hercegovine od 2023. do 2025. godine.

Drugo pitanje je vezano uz ukupni trošak kamata na osnovu zaduženja i fiskalnu strategiju koja predviđa plan otplate duga 2025. – 2028. godina.

Vesna Saradžić uputila je inicijativu i postavila pitanje.

Inicijativu je uputila Federalnom ministarstvu poljoprivrede, vodoprivrede i šumarstva da Agencija za vodu u saradnji sa Zavodom za javno zdravstvo Federacije Bosne i Hercegovine utvrdi i objavi na web-stranici zbirne liste voda za kupanje na području za koje je nadležna i da nadležna laboratorija izradi kalendar monitoringa kvaliteta voda za kupanje i o rezultatima analize uzoraka obavijesti službu i jedinice lokalne samouprave, kantonalni organ nadležan za zdravstvo i nadležnu Agenciju za vodu.

Pitanje je postavila Federalnom ministarstvu okoliša i turizma vezano uz rješavanje i potpunu eliminaciju upotrebe plastičnih vrećica i plastike za jednokratnu upotrebu.

Ivan Ivić postavio je pitanje Nedžadu Lokmiću, ministru Federalnog ministarstva za pitanje boraca i invalida odbrambeno-oslobodilačkog rata, u vezi sa izmjenom Zakona o braniteljima kojim bi se regulisala prava branitelja pripadnika HVO-a i Armije BiH na braniteljski dodatak.

Miomirka Melank uputila je inicijativu Vladi Federacije Bosne i Hercegovine u vezi sa dopunom Zakona o fiskalizaciji transakcija.

Emir Dautović postavio je dva pitanja Fondu solidarnosti Federacije Bosne i Hercegovine.

Prvo pitanje je u vezi sa raspodjelom sredstava oboljelim na prostoru Unsko-sanskog kantona.

Drugo pitanje je vezano uz dječiji prioritet od Fonda solidarnosti Federacije Bosne i Hercegovine.

Fahrudin Čolaković postavio je jedno pitanje i uputio jednu inicijativu.

Pitanje je postavio zamjeniku premijera Federacije Bosne i Hercegovine Vojinu Mijatoviću u vezi sa boračkim dodatkom koji primaju pripadnici Vojske RS, ali ne i pripadnici Armije BiH i HVO-a.

Inicijativu je uputio Federalnom ministarstvu unutrašnjih poslova i ministarstvu unutrašnjih poslova svih kantona vezano uz pokretanje izmjena i dopuna Zakona o policijskim službenicima.

Ivan Odak je uputio prijedlog Vladi Federacije Bosne i Hercegovine i Vijeću ministara da se dan sahrane pape Franje 26.4.2025. godine proglasi danom žalosti u Federaciji Bosne i Hercegovine.

Enes Peštek je podnio inicijativu da se preimenuje naziv Policijske akademije „Policijska Akademija Sarajevo“ u „Policijska Akademija – Husein Balić“.

Goran Bulajić je postavio pitanje Vladi Federacije Bosne i Hercegovine vezano uz finansiranje odlaska košarkaša Bosne i Hercegovine na evropsko prvenstvo u augustu ove godine.

Muamer Zukić je podnio inicijativu Federalnom ministarstvu unutrašnjih poslova vezanu uz proširenje kapaciteta policijske akademije.

Mehmed Memišević postavio je pitanje Federalnom ministarstvu prometa i komunikacija u vezi sa rješavanjem problema mosta Brčko - Gunja koji spaja Bosnu i Hercegovinu i Hrvatsku na prostoru Distrikta Brčko.

Na pitanja su odgovorili Ramo Isak, federalni ministar unutrašnjih poslova, Adnan Delić, federalni ministar rada i socijalne politike, i Vojin Mijatović, zamjenik premijera Federacije Bosne i Hercegovine.

Delegat Ivan Odak predložio je da se kao tačka dnevnog reda uvrsti Zaključak Doma naroda upućen Vladi Federacije Bosne i Hercegovine i Vijeću ministara da se dan sahrane pape Franje proglasi danom žalosti u Federaciji Bosne i Hercegovine.

Vlada Federacije Bosne i Hercegovine dostavila je Prijedlog Zakona o izmjenama i dopunama Zakona o doprinosima sa prijedlogom da se razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda, sa 54 glasa za, uz devet uzdržanih glasova i uz dva glasa protiv, prihvatio da se Prijedlog Zakona o izmjenama i dopunama Zakona o doprinosima razmatra po skraćenom postupku.

Predsjedavajući je obavijestio delegate da je prijedlog Kolegija da se pod 4. tačkom uvrsti dodatna tačka d) Prijedlog Odluke o izmjenama i dopunama Odluke o imenovanju članova Vijeća nacionalnih manjina Federacije Bosne i Hercegovine, što su delegati prihvatili.

Na osnovu rezultata glasanja, predsjedavajući je konstatovao da je Dom naroda jednoglasno prihvatio prijedlog delegata Ivana Odaka da se kao tačka dnevnog reda uvrsti Zaključak Doma naroda upućen Vladi Federacije Bosne i Hercegovine i Vijeću ministara da se dan sahrane pape Franje proglasi danom žalosti u Federaciji Bosne i Hercegovine.

Nakon toga prešlo se na utvrđivanje dnevnog reda.

Na osnovu rezultata glasanja, predsjedavajući je konstatovao da je Dom naroda, sa 65 glasova za, uz jedan uzdržani glas i uz jedan glas protiv, usvojio sljedeći:

DNEVNI RED

- 1) Prijedlog Zakona o izmjenama i dopunama Zakona o doprinosima - skraćeni postupak;
- 2) Nacrt Zakona o djelatnosti psihologa u Federaciji Bosne i Hercegovine;
- 3) Odluka o izdvajanju sredstava u Fond solidarnosti Federacije Bosne i Hercegovine za 2025. godinu;
- 4) Izbor i imenovanja:
 - a) Izbor sudija Ustavnog suda Federacije Bosne i Hercegovine,
 - b) Prijedlog Odluke o imenovanju nezavisnog odbora,
 - c) Prijedlog Odluke o imenovanju članova Upravnog odbora Radio-televizije Federacije Bosne i Hercegovine,
 - d) Prijedlog Odluke o izmjenama i dopunama Odluke o imenovanju članova Vijeća nacionalnih manjina Federacije Bosne i Hercegovine;
- 5) Zaključak Doma naroda upućen Vladi Federacije Bosne i Hercegovine i Vijeću ministara da se dan sahrane pape Franje proglasi danom žalosti u Federaciji Bosne i Hercegovine.

1. Prijedlog Zakona o izmjenama i dopunama Zakona o doprinosima - skraćeni postupak

Tekst Prijedloga Zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 19. sjednici, održanoj 2.4. i 3.4.2025. godine usvojio Prijedlog Zakona o izmjenama i dopunama Zakona o doprinosima u tekstu kako ga je predložila Vlada Federacije.

Prijedlog Zakona razmatrala su nadležna radna tijela.

Prijedlog Zakona obrazložio je Toni Kraljević, ministar Federalnog ministarstva finansija.

U raspravi su učestvovali: Vedrana Vujović, Belma Kapo, Albin Zuhrić, Almir Babajić, Aida Obuća, Jelena Pekić, Muamer Zukić, Damir Džeba, Miomirka Melank, Fatima Gavrankapetanović-Smailbegović, Žarko Vujović i Mladen Simić.

Na osnovu rezultata glasanja, predsjedavajući je konstatovao da je Dom naroda, sa 63 glasa za, uz jedan uzdržani glas i bez glasova protiv, usvojio Prijedlog Zakona o izmjenama i dopunama Zakona o doprinosima.

2. Nacrt Zakona o djelatnosti psihologa u Federaciji Bosne i Hercegovine

Tekst Nacrta Zakona utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na nastavku 10. sjednice, održane 22.4.2024. godine, razmatrao Nacrt Zakona o djelatnosti psihologa u Federaciji Bosne i Hercegovine i Zaključkom ga prihvatio.

Nacrt Zakona obrazložio je Adnan Delić, ministar Federalnog ministarstva rada i socijalne politike.

Delegati Sandra Imširović, Emir Dautović, Tanja Šantić, Almina Sivić i Fatima Smailbegović-Gavrankapetanović dostavili su prijedloge zaključaka.

Na osnovu rezultata glasanja, predsjedavajući je konstatovao da je Dom naroda, sa 49 glasova za, uz osam uzdržanih glasova i uz pet glasova protiv, prihvatio sljedeći:

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Zakona o djelatnosti psihologa u Federaciji Bosne i Hercegovine i smatra da može poslužiti kao osnov za izradu prijedloga Zakona.
2. Zadužuje se Vlada Federacije da organizira i provede javnu raspravu od 60 dana u skladu sa procedurama predviđenim Ustavom Federacije Bosne i Hercegovine za donošenje zakona iz zajedničke nadležnosti federalne vlasti i kantona.
3. Zadužuje se Stručna služba Doma naroda Parlamenta Federacije Bosne i Hercegovine da ovaj zaključak i Nacrt Zakona o djelatnosti psihologa u Federaciji Bosne i Hercegovine dostavi kantonalnim skupštinama radi davanja mišljenja u roku 60 dana.

4. Zadužuje se predlagač da prilikom izrade prijedloga Zakona ima u vidu prijedloge i sugestije iznesene u raspravi na sjednici Doma naroda i u javnoj raspravi, mišljenja kantonalnih skupština i primjedbe dostavljene u pisanom obliku.

U raspravi su učestvovali: Emir Dautović, Adnan Delić, Tomislav Martinović, Jelena Pekić, Haris Zahiragić i Sandra Imširević.

Delegat Haris Zahiragić je predložio zaključak o kojem se glasalo.

Na osnovu rezultata glasanja, predsjedavajući je konstatovao da je Dom naroda, sa 51 glasom za, bez uzdržanih glasova i bez glasova protiv, prihvatio sljedeći:

ZAKLJUČAK

Zadužuje se Federalno ministarstvo rada i socijalne politike da putem javne rasprave prihvati sugestije iznesene u raspravi na sjednici Doma naroda a vezane su uz status psihologa i pedagoga.

Nakon toga prešlo se na glasanje o zaključku koji je predložila Sandra Imširević.

Na osnovu rezultata glasanja, predsjedavajući je konstatovao da Dom naroda, sa 29 glasova za, uz 24 uzdržana glasa i uz pet glasova protiv, nije prihvatio zaključak koji je predložila Sandra Imširević.

3. Odluka o izdvajanju sredstava u Fond solidarnosti Federacije Bosne i Hercegovine za 2025. godinu

Tekst Odluke utvrdila je Vlada Federacije Bosne i Hercegovine.

Predstavnički dom obavijestio je Dom naroda da je na 19. sjednici, održanoj 2.4. i 3.4.2025. godine, primio na znanje Odluku o izdvajanju sredstava u Fond solidarnosti Federacije Bosne i Hercegovine za 2025. godinu.

Odluku je obrazložio predstavnik Zavoda zdravstvenog osiguranja i reosiguranja Federacije Bosne i Hercegovine.

U raspravi niko nije učestvovao.

Predsjedavajući je konstatovao da je Dom naroda Parlamenta Federacije Bosne i Hercegovine primio na znanje Odluku o izdvajanju sredstava u Fond solidarnosti Federacije Bosne i Hercegovine za 2025. godinu.

Nakon toga je data pauza sat vremena.

Nakon pauze, prešlo se na 4. tačku dnevnog reda.

4. Izbor i imenovanja:

- a) Izbor sudaca Ustavnog suda Federacije Bosne i Hercegovine
- b) Prijedlog Odluke o imenovanju nezavisnog odbora
- c) Prijedlog Odluke o imenovanju članova Upravnog odbora Radio-televizije Federacije Bosne i Hercegovine
- d) Prijedlog Odluke o izmjeni i dopunama Odluke o imenovanju članova Vijeća nacionalnih manjina Federacije Bosne i Hercegovine

a) Izbor sudaca Ustavnog suda Federacije Bosne i Hercegovine

Predsjedavajući je konstatovao da je na 6. vanrednoj sjednici, održanoj 31.1.2025. godine, okončana rasprava i da se treba izjasniti o dvije liste koje je dostavilo Visoko sudsko tužilačko vijeće.

Prva lista je lista kandidata na kojoj su:

- 1. Jasminka Džumhur,
- 2. Monika Mijić,
- 3. Senad Osmić.

Druga podgrupa su:

- 1. Boris Barun,
- 2. Tanja Hadžagić,
- 3. Izmir Hadživdić,
- 4. Željko Škarica i
- 5. Samir Zuparević.

Treća podgrupa su:

- 1. Ramo Ljevaković i
- 2. Aleksandra Vuleta.

U četvrtoj podgrupa je kandidatkinja Danijela Saler-Osink.

Za izbor sudije Ustavnog suda Federacije Bosne i Hercegovine potrebna je potvrda većine delegata Doma naroda.

Prema evidenciji Stručne službe, sjednici prisustvuje 70 delegata, što čini većinu, pa Dom naroda može raditi i punovažno odlučivati.

U raspravi su učestvovali: Muamer Zukić, Tomislav Martinović, Ivan Odak i Haris Zahiragić.

Prešlo se na glasanje.

Sa tri glasa za, uz pet uzdržanih glasova i uz 62 glasa protiv, predsjedavajući je konstatovao da Jasminka Džumhur nije dobila potrebnu većinu.

Sa osam glasova za, uz tri uzdržana glasa i uz 55 glasova protiv, predsjedavajući je konstatovao da Monika Mijić nije dobila potrebnu većinu.

Sa sedam glasova za, uz šest uzdržanih glasova i uz 58 glasova protiv, predsjedavajući je konstatovao da Senad Osmić nije dobio potrebnu većinu.

Na osnovu rezultata glasanja, predsjedavajući je konstatovao da je kandidat Boris Barun izabran za sudiju Ustavnog suda Federacije Bosne i Hercegovine.

Zatraženo je pojedinačno izjašnjavanje.

Na osnovu pojedinačnog glasanja predsjedavajući je konstatovao da je Boris Barun, sa 36 glasova za, uz pet uzdržanih glasova i uz 34 glasa protiv, izabran za sudiju Ustavnog suda Federacije Bosne i Hercegovine.

Prešlo se na izjašnjavanje o drugoj listi Visokog sudskog tužilačkog vijeća, na kojoj su sljedeći kandidati: Slaviša Bjelogorić, Damir Šapina, Anja Vuleta-Pavelka, Adis Avdić, Tanja Hadžagić, Smajo Šabi i Ognjen Gašović.

U raspravi su učestvovali: Muamer Zukić, Tomislav Martinović, Aljoša Čampara i Haris Zahiragić.

Sa tri glasa za, uz dva uzdržana glasa i uz 61 glas protiv, predsjedavajući je konstatovao da Slaviša Bjelogrić nije dobio potrebnu većinu.

Sa sedam glasova za, uz šest uzdržanih glasova i uz 57 glasova protiv, predsjedavajući je konstatovao da Damir Šapina nije dobio potrebnu većinu.

Sa 59 glasova za, uz četiri uzdržana glasa i uz sedam glasova protiv, predsjedavajući je konstatovao da je Anja Vuleta-Pavelka izabrana za sudiju Ustavnog suda Federacije Bosne i Hercegovine.

b) Prijedlog Odluke o imenovanju nezavisnog odbora

Na osnovu člana 47. stav 1. Zakona o unutrašnjim poslovima Federacije Bosne i Hercegovine, Parlament Federacije Bosne i Hercegovine imenuje članove nezavisnog odbora.

Prijedlog Odluke o imenovanju nezavisnog odbora utvrdile su komisije za izbor i imenovanja oba doma Parlamenta Federacije Bosne i Hercegovine.

Predstavnički dom obavijestio je Dom naroda da je na 19. sjednici, održanoj 2.4. i 3.4.2025. godine, donio Odluku o imenovanju članova nezavisnog odbora na četiri godine i to: Amar Hadžimerović, Samir Mehić, Melisa Ahmić, Viktorija Damjanović, Ivan Vegar, Mladen Milosavljević i Arben Murtezić. U prijedlogu Komisije za izbor i imenovanje Predstavničkog doma piše da je isti sastav ovog odbora predložen i u Domu naroda.

Delegat Muamer Zukić zatražio je pauzu 15 minuta.

Nakon pauze, Prijedlog Odluke o imenovanju nezavisnog odbora obrazložio je Milan Ševo, predstavnik Komisije za izbor i imenovanje.

U raspravi su učestvovali: Muamer Zukić, Haris Zahiragić, Tomislav Martinović i Damir Džeba.

Na osnovu rezultata glasanja, predsjedavajući je konstatovao da je Dom naroda, sa 48 glasova za, uz jedan uzdržani glas i uz 22 glasa protiv, donio Odluku o imenovanju Nezavisnog odbora u koji su imenovani: Amar Hadžimerović, Samir Mehić, Melisa Ahmić, Viktorija Damjanović, Ivan Vegar, Mladen Milosavljević i Arben Murtezić.

c) Prijedlog Odluke o imenovanju članova Upravnog odbora Radio-televizije Federacije Bosne i Hercegovine

Na osnovu člana 25. stav 1. Zakona o Javnom servisu Radio-televizije Federacije Bosne i Hercegovine, Parlament Federacije Bosne i Hercegovine imenuje članove Upravnog odbora Radio-televizije Federacije Bosne i Hercegovine.

Predstavnički dom Parlamenta Federacije Bosne i Hercegovine obavijestio je Dom naroda da je na 19. sjednici, održanoj 2.4., 3.4. i 4.4.2025. godine, donio Odluku o imenovanju članova Upravnog odbora Radio-televizije Federacije Bosne i Hercegovine. Za članove Upravnog odbora Radio-televizije Federacije Bosne i Hercegovine imenovani su: Zoran Krešić, Adnan Huskić, Daniela Gogić i Medina Mujić. Za predsjednicu Upravnog odbora Radio-televizije Federacije Bosne i Hercegovine imenovana je Daniela Gogić.

Prijedlog Odluke o imenovanju članova Upravnog odbora Radio-televizije Federacije Bosne i Hercegovine obrazložio je predstavnik Komisije za izbor i imenovanja Milan Ševo.

U raspravi su učestvovali: Muamer Zukić, Tomislav Martinović, Aida Obuća, Emir Dautović, Mehmed Memišević, Damir Džeba, Haris Zahiragić, Žarko Vujović, Ivo Šimunović, Dragan Konta, Ivan Ivić i Vedrana Vujović.

Na osnovu rezultata glasanja, predsjedavajući je konstatovao da je Dom naroda, sa 42 glasa za, uz 10 uzdržanih glasova i uz 15 glasova protiv, usvojio Odluku o imenovanju članova Upravnog odbora Radio-televizije Federacije Bosne i Hercegovine.

U Upravni odbor Radio-televizije Federacije Bosne i Hercegovine imenovani su: Zoran Krešić iz reda hrvatskog naroda na godinu dana, Adnan Huskić iz reda ostalih na dvije godine, Daniela Gogić iz reda srpskog naroda na tri godine i Medina Mujić iz reda bošnjačkog naroda na četiri godine.

Za predsjedavajuću Upravnog odbora Radio-televizije Federacije Bosne i Hercegovine imenovana je Daniela Gogić na tri godine.

Delegat Muamer Zukić zatražio je pojedinačno glasanje.

Na osnovu pojedinačnog glasanja, predsjedavajući je konstatovao da je Odluka o imenovanju članova Upravnog odbora Radio-televizije Federacije Bosne i Hercegovine, sa 45 glasova za, uz jedan uzdržani glas i uz 23 glasa protiv, dobila potrebnu većinu.

d) Prijedlog Odluke o izmjenama i dopunama Odluke o imenovanju članova Vijeća nacionalnih manjina Federacije Bosne i Hercegovine

Predstavnički dom Parlamenta Federacije Bosne i Hercegovine obavijestio je Dom naroda da je na 19. sjednici, održanoj 2.4. i 3.4.2025. godine, donio Odluku o izmjenama i dopunama imenovanja članova Vijeća nacionalnih manjina Federacije Bosne i Hercegovine.

Predsjedavajući je konstatovao da je Predstavnički dom usvojio dodatnu tačku o Odluci pa je potrebno da se i Dom naroda izjasni o njoj a tačka glasi 4.: „U tački 3. iza stava 1. dodaje se stav 2. koji glasi: „Mandat naknadno imenovanih članova Vijeća traje do isteka mandata članova Vijeća imenovanih Odlukom o imenovanju članova Vijeća nacionalnih manjina Federacije Bosne i Hercegovine,“ („Službene novine Federacije BiH“, br.: 25/22)“.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda, sa 50 glasova za, uz pet uzdržanih glasova i bez glasova protiv, usvojio Odluku o izmjeni i dopuni Odluke o imenovanju članova Vijeća nacionalnih manjina Federacije Bosne i Hercegovine.

5. Zaključak Doma naroda upućen Vladi Federacije Bosne i Hercegovine i Vijeću ministara da se dan sahrane pape Franje proglasi danom žalosti u Federaciji Bosne i Hercegovine

Predsjedavajući je konstatovao da je Vijeće ministara već donijelo Odluku, ali radi korektnosti prijedlog kolege Ivana Odaka je bio da se dan sahrane Svetog Oca Ivana, Svetog Oca Franje 26.4.2025.godine proglasi danom žalosti u Federaciji Bosne i Hercegovine i u

Bosni i Hercegovini što je bila inicijativa upućena prema Vijeću ministara, odnosno Vladi Federacije Bosne i Hercegovine.

Na osnovu rezultata glasanja, predsjedavajući je konstatovao da je Dom naroda, sa 55 glasova za, bez uzdržanih glasova i bez glasova protiv, usvojio Zaključak da se dan sahrane svetog oca Ivana Franje 26.4.2025.godine proglasi Danom žalosti u Federaciji Bosne i Hercegovine

Sjednica je završila rad u 20 sati i 44 minute.

Transkript sjednice čini sastavni dio Zapisnika.

DRŽAVNA SLUŽBENICA KOJA OBAVLJA
POSLOVE IZ NADLEŽNOSTI SEKRETARA
DOMA NARODA

Aida Hadžić-Salkić

PREDSJEDAVAJUĆI

Tomislav Martinović